

# RADAR

KYRKJEBLAD FOR RADØY SOKN · NR. 2/20 · 36. ÅRGANG



**GOD ADVENTS- OG JULETID**

**RADAR:**

Radøy kyrkjekontor  
Idrettsvegen 1 A, 5936 Manger

**Opningstid:**

Tysdag – onsdag  
kl 10.00 – 14.00.

**Telefon:** 4000 1691

kvar dag kl 10.00 – 14.00.

post.radoy@kyrkja.no

www.kyrkja.no/radoy

**Facebookside:** radoykyrkjelyd

**Kontonummer:** 3636 07 04682

**Vipps:** 24042

Hugs å merka kva betalinga gjeld.

**Alver kyrkjelege fellesråd**

Lonsvegen 1, 5914 Isdalstø  
post.alver@kyrkja.no  
www.kyrkja.no/alver

**Kyrkjevevjerje:** John Fredrik Wallace  
jw734@kyrkja.no

**Leiar i fellesrådet:** Grethe Lunde

**Soknerådsleiar:** Gunnar Kartveit  
gunnar@kartveit.com

**Radar**

**Utgjevar:** Soknerådet i Radøy sokn, i samarbeid med Meland sokn, Knarvik sokn, Osterfjorden sokn og Mo sokn.

**Redaktør:** Gunvor Taule Mjanger

**Lokal redaksjon:** Gunnar Kartveit og Heidi Soltveit Kvalheim

**Grafisk design:** Simen Søvik

**Trykk:** Bodoni AS

**Framsidedeilete:** Julekrubbe frå Malawi

# Tankestrek

Av Gunnar Kartveit

Ja, det er Radar du held i handa no. Det er nytt, og likevel det same bladet som før.

For Radar er bladet som kyrkja i Radøy gjev ut. Her er forteljingar om personar og tiltak i nærmiljøet. Her finn du artiklar og informasjon om det som har skjedd og det som skal skje i Radøy sokn. Her er kontaktinformasjon og stoff som vi vonar vil gje opplevinga av å høyra til og høyra saman, noko som er særleg viktig no når korona får oss til å halda avstand for å visa nærleik. Og her er glimt frå den verdsvide kyrkja som me høyrrer til.

Og så er det eit nytt blad. For det vert til i samarbeid med fire andre sokn: Meland, Knarvik, Osterfjorden og Mo. Den midtre delen av bladet er felles for alle sokna, den første og siste delen av bladet er særigeint for kvart sokn.

På den måten markerer Radar både Radøy som eige sokn og det fellesskapet me høyrrer til i her i Alver. Det vert altså ikkje mindre om det som skjer på Radøy, men meir om det som skjer i Alver.

Som før vil Radar koma med fire nummer i året: Før påske, før sommaren, medio september og før advent. I mange år no har William Kay hatt ansvar for bladet, og det er me takksame for. Både han og dei andre ved kyrkjekontoret vil vera viktige bidragsytarar til Radar framover også.

Kom gjerne med tilbakemeldingar på bladet – ros og ris, kva er bra og kva kan betrast. Og tips til stoff er alltid velkomne!

Til sist: Støtt annonsørane våre. Dei gjer det mogleg å gje ut bladet. Bruk gjerne også kontonummer eller VIPPS som du finn på denne sida for å støtta bladet, og merk det med Radar.

Velkomen som lesar av eit fornya kyrkjeblad!



**Helge Taranrød**  
Prost  
ht759@kirken.no



**John Fredrik Wallace**  
Kyrkjevevjerje



**Audun Sylta**  
Dagleg leiar Radøy og Lindås  
as624@kyrkja.no



**Hilde Marie Solend**  
Kontorfullmektig  
hs769@kyrkja.no



**Kjell Johan Sekkingstad**  
Sokneprest  
ks482@kyrkja.no



**Thor Sommerseth**  
Prest  
ts483@kyrkja.no



**Gudveig Kartveit Sundsbø**  
Diakon  
gs888@kyrkja.no



**Wilco Vogelaar**  
Kyrkjelydspedagog  
wv824@kyrkja.no



**J. William Kay**  
Organist I/Rådgevar  
jk699@kyrkja.no



**Frode Skag Storheim**  
Organist II  
fs634@kyrkja.no

## ANDAKT

# Josefs advent



Av **Helge Taranrød**  
prost i Nordhordland

Det må ha vore eit sjokk for Josef: Å oppdage at hans trulova Maria var med barn som ikkje var hans. Eit slikt forhold ville føre skam over han og hans næraste familie. Han måtte finne ein veg ut. Ut av forholdet. Ut av farskapet. Skulle han velje å ta hemn? Gjere det kjent for alle?

Josef var ein rettskaffen mann og ville ikkje føra skam over henne; han sette seg føre å skilja seg frå henne i det stille.

Matt 1, 19

Då vakna alle Herrens englar. Det kan ikkje skjje! Josef kan ikkje forlate Maria! Han MÅ verte far til dette barnet! Det MÅ fødst i Davids hus!

Ein engel frå Herren synt seg for han i ein draum og sa:

Josef, Davids Son! Ver ikkje redd å ta Maria heim til deg som kona di.

Ho skal føda ein son, og du skal gje han namnet Jesus.

Matt 1, 20-21

Dei kan vere myndige - englane - når dei gjer ærend for Herren. Josef fekk to oppdrag: 1. Hald deg til Maria. 2. Gje barnet namn.

Alt skal vere ope, ingenting skal vere hemmeleg. Josef og Maria er eit par. Ingen av dei skal kjenne skam. Hemn er ikkje vegen.

Og barnet skal fødst. Med Josef som far. Verte ein del av

Davids hus og ætt. Ein av oss.

Slik gjekk Josef inn i advent. Med skamma teken bort, hemnen lagt til side. Saman med Maria, ventande på eit barn.

Og Josef lytta til engelen i draumen sin, og gav barnet namnet Jesus. Namnebror med Josva. Den første. Han som førte Guds folk ut av slaveri, angst og død.

Då Jesus var eit lite barn og ikkje kunne snakke, tala englane. Dei flaug opp og ned. Viste seg i draumar. I fleirstemmig lovsong på Betlehemsmarka.

Når Jesus Kristus no er hos sin himmelske Far, talar englane igjen. Josefs draum er Guds draum: At alle menneske skal oppdage at det vesle Barnet verkeleg er Messias - den første, som Guds folk venta på.

Englane har det travelt i advents- og juletida. Med å bere Guds draum til oss.

Så lat oss stanse opp og lytte til vengeslaga og englesongen.

Velsigna advent og jul!

*I et skur ved Betlehem, gjemt i Josefs store trøye  
lå Guds dyrebare ord som et nyfødt barn i høyet.  
Og vi ser: Gud er god.*

Norsk Salmebok 104



Josefs draum. Mosaikk i dåpskyrkja i Firenze.  
Maestro della Maddalena. 1300-talet.

# Når ein står framfor presten, skal ein svara «ja»

## Kvifor starta du i kyrkjeleg teneste?

Viss du skriv «over» før «bevis», ser du grunnen...

I konfirmantaldere demra det for meg at kristendommen er grunnleggjande sann og god for menneska. Gjennom erfaring og studiar har denne overtydinga berre blitt sterkare. Ulike religionar og mytologiar – også den norrøne – er inne på viktige ting. Men med kristendomen lettar den mytiske skodda. Me ser Gud stiga inn i vår verd som eit menneske, og gjer si gode gjerning.

Arbeidet i kyrkjelyden starta med at eg fekk partituret til musikalen «Jesus Christ morning star» i fanget. Eg var midt i tenåra og presten spurde meg om å verta musikalsk leiar i Radøy Ten Sing.

Alle veit at når ein står framfor presten, skal ein svara «ja». Min lagnad var forseglad: Eg blei pianist, dirigent, songar og noteskrivar for Ten Sing til langt ut i studietida.

Dei fleste kjenner meg som klokkar i Manger, ei teneste eg har hatt sidan 1983. Den første tida var eg samtidig klokkar i Sæbø.

## Kva har fått deg til å halda fram så lenge?

Tru er ikkje teori – tru er liv. Og liv treng næring.

Gudstenesta er ein ladestasjon, ein kvilestad, ein møteplass med vener og sambygdingar.

Kyrkjelyden er dessutan Kristi kropp.

Det å vera del av ein kropp, er ikkje ein deltidsjobb – det er ei livslang oppgåve.

## Er det spesielle hendingar / opplevingar du vil løfta fram?

Det første som slår meg er: Gjenopninga av kyrkja etter at arbeidet med ny planløsning for kyrkjerommet i Manger, var realisert i 2005.

Eg var soknerådsleiar i planperioden og arkitekt for ei rekkje ulike framlegg til løysingar.

Sluttfasen blei dramatisk. Me fekk klare signal om at prosjektet ikkje ville bli godkjent.

To representantar fekk møta biskopen og hans medarbeidar. Sokneprest Fykse la omsorg for kyrkjelyden fram med tyngde, medan eg presenterte seks ulike planløysingar. Biskopen lytta, tenkte, og bestemte seg: «Vi kan jo ikke nekte dem dette, kan vi vel? De har jo tenkt på alt.»

Under gjenopningsgudstenesta var eg både glad og stolt over resultatet. Omsyna til kyrkja som gudshus,



## MAGNE MYRTVEIT

- Bustad:** Helland, Radøy  
**Yrke:** Gründer Powersim og Dynaplan, der han er leiar  
**Familie:** Gift med Astrid, 3 born, 5 barneborn  
**Aktuell:** Takkar no av etter aktiv teneste:
- Ungdomskor
  - Konfirmantarbeid
  - Organistvikar
  - Sokneråd og kyrkjelege utval
  - Arkitekt
  - Redaktør for Radar
  - Klokkar 1983-2020

arbeidsplass, konsertlokale og praktbygg var ivaretekne samtidig som kyrkja hadde blitt tryggare og meir tilgjengeleg for alle.

## Kva er du mest glad for å ha medverka til i alle desse åra?

Me er kalla til vitnemål og teneste. Eg held ikkje preiker, og eg skriv ikkje bøker. Mitt vitnemål er først og fremst å vera til stades og å hjelpa til når kyrkjelyden samlast.

Som leiar for sokneråd og kyrkjelydsutval hadde eg ei målsetjing om at fleire skulle få oppleve gleda over å medverka i gudstenesta. Ein leiar har lov påverka litt. Ei tenesteliste blei innført, der folk kunne melda seg som kyrkjevert, tekstlesar, bakar eller forsongar.

Med desse tenestene på plass, vert gudstenesta i endå større grad ei feiring.

# Frå kyrkjebenken

Tekst og foto: Gunnar Kartveit

## – Kva kyrkje tilhøyrer du?

– Sæbø kyrkjelyd.

## – Kor lenge har du vore aktiv i kyrkjelyden?

– Eg har vore med sidan midten av 80 - talet, då vi flytta heim til Radøy igjen.

## – Kva set du mest pris på ved Sæbø kyrkjelyd?

– Eg opplever kyrkjelyden som inkluderande og open, med vilje til å stå på når det trengst.

– Gudstenesta betyr mykje for meg; der får eg tilbe Gud i fellesskap med min neste, og der forkynninga gjennom ord og musikk bidrar til fokus på Jesus.

## – Korleis vil du skildra kyrkja?

– Sjølv kyrkja er ei trekyrkje frå 1884, og er ei tenleg kyrkje som kan brukast til ulike arrangement.

– Kyrkjeforeninga i Sæbø har jobba godt i lag med bygdefolket, og har hatt store basarar med godt framføtte over mange år. Resultatet viser tydeleg att i kyrkja, der alt er godt vedlikehalde. Vi har stolar og ikkje benkar, og dette gjer kyrkjerommet fleksibelt i bruk, og godt eigna til ulike tilstellingar.

– Mitt ønske er at vi kunne bruke kyrkja vår meir enn vi gjer, sjølv om vi har både tysdagstreff, julefestar og konsertar. Arbeidet innan trusopplæring og diakoni bør vere lokalt forankra; born, unge og vi alle blir trygge i kyrkjelyden, dersom vi også har høve til å delta på det som skjer i kyrkjeleg regi i tillegg til gudstenesta.

– Eg ønsker at kyrkja skal vere til stades for menneske ved store markeringar i livet, både i sorg og glede, men også i den jamne kvardagen der vi byggjer kyrkjelyd saman.



## FAKTA

**Namn:** Grethe Lunde

**Alder:** 60 år

**Bustad:** Lunde på Radøy

**Arbeid:** Kirkens SOS

**Familie:** Gift, 3 born, 3 barneborn.

Er leiar i Alver

Kyrkjelege fellesråd

## – Er det ein eller fleire salmar du likar godt?

– Det er mange fine salmar, men favoritten er «Deg å få skode», den seier det meste, og har ein flott melodi, sjølv om han ikkje er den enklaste å syngje.

## – Kva kjenner ein god kyrkjekaffi?

– Kyrkjekaffien opplever eg god når alle blir sett, både store og små, og at vi spør korleis det går og bryr oss om kvarandre. ... og sjølv sagt må kaffien smake godt...

**RISNES**  
**ELEKTRO AS**

Elinstallatør · tlf. 56349620

**Manger**  
**Tannlegesenter**

Tannlegane Tor Skutle og Sondre V. Håland

**MECA**

**MECA Car Service**

Vi utfører reparasjoner og service på alle bilmerker!

- Brems
- Feilsøking
- EU-kontroll
- Eksos
- Forstilling
- Diagnose
- Dekk og felg
- Hjulstilling
- Service klimaanlegg
- Periodisk service/vedlikehold
- Batteri
- Skifting av frontrute

**RADØY AUTO AS**  
AUTORISERT BILVERKSTED

Besøksadresse: Radøyvegen 1607, 5936 Manger, Tlf: 56 34 94 40  
Åpningstider: Man-tors: 07.30-16.00 Fredag: 0730-14.00

www.mecacarservice.no **MECA**  
CAR SERVICE



I fleire år har koret veksla mellom Händels Messias og Bachs Juleoratorium.



Frå julekonsert i Knarvik kyrkje.

# Løftar salmesongen – og gir oss store opplevingar

Tekst og foto: Arthur Kleiveland

**I 30 år har dei vore med og løfta salmesongen i kyrkjene, og oppføringa av mange klassiske storverk har i alle år vore eit kjenneteikn for Alversund kammerkor under sin dirigent Odd Leif Mjøs. Kammerkoret – saman med solistar og orkester, har gjeve nordhordlendingane store musikalske opplevingar på heimebane. «Messias», «Requiem» og «Juleoratoriet» er mellom storverka som har vore på konsertprogrammet mange gongar gjennom desse 30 åra.**

– Vi trur at utan Mjøs sin innsats så hadde ikkje Nordhordlandsregionen fått oppleve å få desse oppføringane kammerkoret har stått for i sitt nærmiljø, seier Turid Sporsheim Tvedt, som har vore aktiv i koret i mange år, i fleire av desse også som styreleiar. Utan han hadde det ikkje vore eit kammerkor slik vi kjenner det, er gjennomgangsmelodien både mellom kormedlemmane og mange andre.

– Vi minnst første øvingane med det profesjonelle orkesteret, med songen og musikken som smelta saman og løfta oss alle. Også røynde proffe musikarar har uttalt mange gonger at dei har sett pris på å vera med på dette som skjedde og skjer her i Nordhordland. For oss som amatørkor å framføra desse storverka saman med så flinke solistar og musikarar, har vore stort, seier Sporsheim Tvedt.

## FEKK NOTESJOKK – OG LYST TIL Å GÅ HEIM

Alversund kammerkor såg dagens lys i 1990, med 10-12 koristar i førstninga og med nyttilsett kantor Odd Leif Mjøs som initiativtakar. Både Berit Dale Øgaard og Helge Øgaard hadde vore med i Slettebakken menighetskor nokre år, så notar var ikkje nytt for dei. Men Berit gløymmer ikkje første gongen koret skulle øva til framføringa av Händels «Messias».

– Vi fekk ei tjukk bok med notar, mange linjer med alle stemmene på kvar side. Eg hadde lyst til å gå heim igjen. Dette kjem eg aldri til å forstå, var min første tanke, seier Berit. Ho framhevar Odd Leif som ei eldsjel som ser mulegheitene der vi andre ser stengsler.

– Men eg gjekk ikkje heimatt, heldigvis. Litt etter litt kom forståinga av denne korsongen, og det var fantastisk! fastslår Berit. Både ho og Helge er svært glade i kyrkjemusikken og salmeskatten vår – ei skattekiste av vakker musikk som aldri blir tom, seier dei.

Dei gler seg framleis til kvar korøving om tirsdagskveldane, etter å ha vore med sidan starten.

– Treffa dei andre som er med i koret, møta folk når vi er ute og syng. Eit godt fellesskap å vera med i, seier dei.

### – FØLTE EG LETTA FRÅ GOLVET – DET VAR STERKT

Berit Dale Øgaard har, saman med mannen Helge, vore med heilt frå starten. Ho gløymer aldri den første framføringa av Händels «Messias» - med kor, orkester og Kjersti Wiik som solistsopran i vakre Myking kyrkje med fantastisk akustikk.

– Det var så stort å vera med, og så vakkert. Etter sats 13 - med sopransolisten, kom koret inn med «Glory to God in the highest, and peace on earth», då følte eg at eg letta frå golvet. Og ikkje berre det, men kvelvingen i kyrkja var full av englar. Det var sterkt, seier ho.

Koret synest også det er gode opplevingar med salmekvelder i kyrkja der også tilhøyrarane får vera med. Seinast no 20. oktober hadde kammerkoret eit «syng med»-arrangement i Knarvik kyrkje som både kor og tilhøyrarane sette stor pris på.

### ØNSKJER FLEIRE UNGE RØYSTER

Det er etter kvart blitt høgare gjennomsnittsalder på medlemmane i kammerkoret, nokre medlemmar har jo vore med frå starten for 30 år sidan.

– Kvart semester kjem det nye songarar til, og det er vi glade for. Men nokre fleire nye unge røyster hadde det vore kjekt å få med i koret, seier Turid Sporsheim Tvedt.

### KORSONGARAR LEVER LENGER OG BETRE

– Å vera med i kammerkoret har vore veldig kjekt, seier Rune Mjanger. Dyktige songarar, godt kameratskap og få vera med i eit fellesskap der me saman skapar gode musikalske opplevingar både for oss sjølve og andre – alt dette set eg stor pris på.

– Korsongarar lever lenger og betre, er hans sluttsats.

## «Salig blanding» av kyrkje og kultur

Tekst og foto: Arthur Kleiveland



Odd Leif Mjøs i sitt rette element.

– Songen og musikken er ein heilt unik og umisteleg skatt og arbeidsreiskap i kyrkja, seier kammerkordirigent Odd Leif Mjøs.

Det har vore ei svært omfattande og fargerik korverksemd i desse 30 åra. Utruleg mykje positivt er utvikla i små og store musikalske format.

– Songen går frå hjarte til hjarte, frå sjel til sjel, med håp, trøyst og glede. Den kristne songen er eit fellesskap i tid og æve, ei Gud-gjeven bru i tonar og ord mellom himmel og jord, framhevar Odd Leif Mjøs.

Korarbeid har stått sentralt i tenesta som kantor heilt sidan Mjøs vart tilsett i 1990. Han viser til at sokneråda fokuserte på dette ved tilsetjinga, og slik vart Alversund kammerkor til, - ei «salig blanding» av kyrkje og kultur, seier Mjøs.

Kammerkordirigenten synest det har vore fantastisk å få til musikalske løft med svære konsertar, men ikkje mindre viktig og flott med kammerkoret på gudstenester og i mange andre samanhengar. Han rettar ei stor takk til alle dei flotte menneska som har vore medskaparar!

– Verk med bibeltekstar er så verdfulle, og påskedramaet Johannespasjonen av Bach er mellom dei aller sterkaste av opplevingane i lag med kammerkoret, seier Mjøs.

– Det mest dyrebare er når songen og musikken får berøra menneske, opna opp sjel, sinn og sansar, - til vekst, undring og glede på livsvegen.

– Framover vil det vera viktig at koret held fast på profilen sin: Å ivareta rikdommen i kyrkjemusikalsk arv, og parallelt bera fram musikalske skattar frå vår samtid, for framtida og nye generasjonar, seier Odd Leif Mjøs.



**EL-INSTALLASJON - INGENIØRTENESTER - SERVICE**



Torvhusmyrane 6  
Nordhordland Næringspark  
5913 Eikangervåg

Tlf: 56 34 24 30  
E-post: [post@helland-elektro.no](mailto:post@helland-elektro.no)  
[www.helland-elektro.no](http://www.helland-elektro.no)  
Foretaksregisteret: NO 986 751 718 MVA



SIKRINGEN  
... i din sikkerhet



Lita julekrubbe frå Israel



Julekrubbe frå Madagaskar

# Julekrubbe – den gode budskapet om frelse

Tekst og foto: Gunvor Taule Mjanger

## FAKTA

**Haldis Kristin Kjelby Skår** Bur på Romarheim, er gift med Arne, har fire born og arbeider som hjelpeleiar i heimetenesta i Alver.

Haldis var fem-seks år då ho fekk sjå ei julekrubbe frå Amerika hjå tanta si. Vengjene til englane kunne bevega seg, og ho kunne løfta Jesusbarnet opp frå krubba. Julekrubba gjorde sterkt inntrykk på henne, rørte henne endå så lita ho var. Jesus låg i ei krubbe, med høy til pute. Ho visste ikkje kva ei krubbe var, då ho skjøna at det var matfatet til dyra, syns ho det var fælt at han måtte liggja der.

Heime hadde dei ei julekrubbe av papir, og ei lita inni ein glaskuppel der det virvla 'snø' når dei snudde på den. Ho kjøpte den første då ho var 18-19 år gamal og hadde flytta for seg sjølv. Målet er ikkje å samla flest mogeleg, men ho synest dei er fine, dei formidlar ein god budskap. Ho har også putar med dette motivet, peparkakeformer, øyredobbar og mobildeksel. Det er motivet ho er opptatt av, det som det formidlar.

Haldis har julekrubber frå fleire land, Madagaskar, Israel og Mellomamerika, frå dei små seks-sju cm høge og til dei store - nesten meteren høge. Det er tydeleg å sjå at dei er laga i ulike land, på ulike kontinent. Likevel, budskapet er den same, det er den som skal formidlast til folka.

Ei av krubbene har heidersplassen, elles vert dei plasserte rundt om i heile huset. Nokre får plass i juledekorasjonar ho lagar. «Det er ei glede og gjev slik fred å sjå på dei,» seier ho.

-Når me ser på julekrubba, kan me tenkja at me er redda, seier ho. Frelse betyr redda, me er redda. Julekrubbene illustrerer Guds kjærleik til oss. Dette er det viktigaste me har å fortelja vidare.

## EI KRUBBE VAR VOGGA SOM VENTA HAN HER

*Ei krubbe var vogga som venta han her,  
det vesle barn Jesus, vår Frelsar så kjær.  
Men stjernene lyste så vismenn fekk sjå  
det vesle barn Jesus, på lei et av strå.*

*Så enkelt og stille kom Gud til vår jord.  
så høgt er eg elska av Jesus, min bror.  
Han kom frå Guds himmel, Gud sjølv var han lik,  
men Jesus vart fattig, og eg er blitt rik.*

*Frå krubba til krossen gjekk vegen for deg,  
slik opna du porten til himlen for meg.  
Velsign oss, ver med oss, gje ljøs på vår veg,  
så alle kan samlast i himlen hjå deg.*



## MELAND ELEKTRO

AUTORISERT ELEKTROENTREPRENØR

Mjåtveitflaten 45 • 5918 FREKHAUG  
Tlf 56 17 87 00 • post@melandelektro.no  
[www.melandelektro.no](http://www.melandelektro.no)



# Meiningar om minnelund

Tekst: Yvonne Cecilie Jordal

Foto: Privat

I førre nummer av kyrkjelydsbladet stod det at Alver kyrkjelege fellesråd vil etablere ein såkalla «namna minnelund». Det er ein gravstad der urner blir sette ned utan at det er eit eige gravminne. I staden for blir det sett opp ei lita minneplate på eit stort felles gravminne, gjerne ein stor naturstein. Følgande spørsmål har gått til tre personar i Knarvik sokn:

1. Kjente du til kva ein "namna minnelund" er før du las om det i Kyrkjekontakten?
2. Kva tenkjer du om minnelund som eit supplement til vanleg grav med eigen gravstein?
3. Kunne minnelund, etter ditt syn, ha vore aktuelt i din familie?
4. Synest du det burde har vore tilbod om namna minnelund i Nordhordland?



**Grethe Fosse, Fosse/Alversund**

1. Eg har sett det tilfeldig på eit bilete.
2. Eg tenker det er fint.
3. Ja, for min del, men eg veit ikkje kva heile familien min vil synast. Mannen min trur eg vil synast det samme som meg.
4. Ja.



**Inger Espeland Iversen, Alversund**

1. Ja, eg har sett det fleire stader.
2. Det syns eg er en fin ide. Det er plassbesparande, og ein unngår tidsbegrensning av gravstader.
3. Ja, dette meiner vi er fint og verdig.
4. Ja, og det bør vere eit tilbod på alle gravplassar.



**Vidar Myksvoll, Lygra**

1. Eg hadde nok høyrte om minnelund, men ikkje tenkt heilt gjennom korleis det fungerer.
2. Det kan vera eit godt alternativ for dei som måtte ynskja det. Dessutan er det bra når mange kyrkjegardar etterkvart vert fulle av vanlege graver.
3. Personleg vil eg nok halda på vanleg grav. Det er noko med å ha ein "eigen

plett" å gå til. Eg er nok litt gamaldags der, ja.

4. Ja, dette er eit veldig godt tilbod å ha for dei som ynskjer det.

---

## SORGGRUPPER I ALVER

### Samtale- og støttegruppe for etterlatte


Kyrkja i Alver og Kreftkoordinator i Alver kommune ønskjer å vere til hjelp med å tilby sorggruppe for menneske som opplever sorg.

I gruppa kan ein setje ord på kjensler, tankar og opplevingar kring sorg og tap, og saman med andre i liknande situasjon få hjelp til å finne styrke til å gå vidare med tapet. Sorg er ein naturleg og sunn reaksjon på eit tap av nokon du er glad i.

#### For meir informasjon, kontakt

Gudveig Kartveit Sundsbø 93840587  
eller Ruben Sæle 41383195

Planlagt oppstart av sorggruppe er januar 2021.



# Juledokketeater for barnehagane

Tekst og foto: Anne Sofie Nergård Uthaug

**I år må dei etter kvart tradisjonelle barnehagevandringane i Meland kyrkje gå ut pga smittevern som fører til transportproblem. Dei vert erstatta med dokketeater i barnehagane.**

Borna får møte nokre rare vismenn, Josef og Maria, ein skjønng engel og ein slem Herodes. Historia er kjent, men med ei humoristisk og overraskande vinkling. Tre dokkeførarar og ein musikar blir med frå kyrkjestaben: Anne Marit Fosse Dahle, Håkon Kinsarvik, Bjørn Tore Sæle og Trond Fykse.

Sokneprest Bjørn Tore Sæle har erfaring med dokketeater frå Eidfjord, der han jobba før. Dokkene er utlånt av Eidfjord kyrkjelyd og når dette bladet kjem ut er nok teaterframsyningane i gong. Nokre blir i barnehagane. Dei barnehagane som er i gangavstand får tilbodet på Møteplassen - lokalet til Meland kyrkjelyd på Frekhaug senter.



# Omreisande julevandring i Knarvik sokn

Tekst og foto: Geir Øy

Tidleg i november blei det rigga opp til julevandring i Knarvik kyrkje. Denne gongen var berre nokre få barnehagebarn med på julevandringa. Alle stasjonane blei fotograferte. Sidan har det blitt laga ein presentasjon av bileta. To og to tilsette i kyrkja vil besøkje alle barnehagane på Seim, i Alversund og i Knarvik. Via bileta blir julehendingane fortalde og dramatiserte. I barnehagane blir det tenning av adventslys, julesongane får sin plass, og barna får eit gjensyn med Betlehemsmarkene og Maria og Josef på veg mot stallen.



Niclas Nesse Terkelsen og Ingrid Idsø Thorsheim.



**FISKENETT**  
MANGER

5936 Manger  
tlf 56 34 98 60  
[www.fiskenett.no](http://www.fiskenett.no)



Manger Frisør & Velvære

Tlf: 56373525 [www.mangerfrisør.no](http://www.mangerfrisør.no)

# QUIZ

Nicolas Cordier. Statue av kong David i Basilica Santa Maria Maggiore, Roma. Foto: Wikimedia Commons



## Seks for voksne:

1. Når ein i medisinen talar om vomitus, kva talar ein om då?
2. Kva er kjent ved namnet Keflavik?
3. Kva er ein agnostikar?
4. Når nokon talar patroniserande om andre, kva gjer dei då?
5. Kva er ein lorgnett?
6. David vert rekna som Israels største konge. Kven var konge før han?

## Seks for born:

1. Kva betyr det engelske ordet Mediterranean?
2. Jesus var nær ven av ein søskenflokk på tre. To av dei var Lasarus og Marta. Kva heitte den tredje?
3. Kva heiter hovudstaden i Tyskland?
4. Ein av dei største diktarane i landet vårt heiter Ibsen. Kva er førenamnet hans?
5. Kva er dei tre siste bokstavane i alfabetet?
6. Kva er ein lavvo?



Hovudstaden i Tyskland. Foto Wikimedia Commons

Vinnar av kryssordet i nr 3/20: Kari Eidsnes, 5913 Eikangervåg.

**Vatne**  
Begravelsesbyrå

Vi kan hjelpe til med rådgivning og tilrettelegging ved begravelser og bisettelser.

**Døgnvakt 56 35 09 10**  
www.vatne-byra.no  
Kvassnesvegen 11, 5914 Isdalsbø

1. Oppkast. 2. Hovudtjuplassen på Island/Reykjavik. 3. Ein som ikkje veit om Gud eksisterer. 4. Talar nedlatande om. 5. Gamaldags brille på ei stang, med berre eit glas. 6. Saul.

**SVAR: SEKS FOR VAKSNE**

## Nordhordland <sup>VIRKE</sup> GRAVFERD Begravelsesbyrå AS

Ring oss på tlf. 56 37 14 10  
eller sjå [www.nordh-bb.no](http://www.nordh-bb.no)

*Stort utvalg  
i blomster og  
gravminne!*

**KYRKJEVEGEN 1**  
5911 Alversund

**FREKHAUG:**  
Havnevegen 31,  
5918 Frekhaug

**AVD. VAKSDAL:**  
Tlf. 56 99 25 70

*Me går saman med deg heile vegen*

1. Middelhavet. 2. Maria. 3. Berlin. 4. Henrik. 5. Æ-Ø-Å. 6. Samisk telt. Mykje brukt i moderne fritidstliv.

**SVAR: SEKS FOR BORN**



Inger Øyna Jordal bur på Hindenes, er gift med Ingvard og har to døtre. Ho arbeider som miljøterapeut i Knarvik.

## OPPSKRIFT

# LAMMEFRIKASSÉ

Det er mykje bra med å lage mat som er i sesong. Det gjev variasjon gjennom året, og gjer det lettare å tenkje på miljøet ved å dyrke sjølv eller kjøpe kortreist.

Me er midt i lammesesongen, og i tillegg har me tilgang på gode grønsaker. Så alt ligg til rette for å dra fram den gode, gamle lammefrikasséen. Denne oppskrifta er til fire personar, men er super å gange opp til mange i ei stor gryte.

- 1 l vatn
- 1 kg lammebøg i skiver, med bein
- 1.5 ts salt (til koking av kjøtt)
- 1 laurbærblad
- Timian, løpstikke eller andre urter etter smak
- 4 gulrøter
- 500 g kålrot
- 250 g sellerirot
- ½ purre, vårløk eller løk

### Sausen:

- 4 ss kveitemjøl
- 2 ss smør
- 6 dl kraft frå kjøtt
- 1 dl crème fraîche eller fløyte
- ½ ts salt
- ¼ ts pepar
- Safta av ½ sitron
- 3 ss fersk persille

Kok opp vatn med salt og urter, legg i kjøtt. Kok opp igjen, skum av, og la det trekkje 1 ½ - 2 t på svak varme, til kjøttet losnar frå beinet.

Legg i grønsakene mot slutten av trekkjetida, og la dei bli så vidt møyre, det tar ca. 20 min.

Smelt smør og bland i kveitemjøl, spe med krafta mens du rører godt. La sausen småkoke i ca. 5 min. Rør inn crème fraîche og smak til med salt, pepar og sitron.

Ha i kjøtt og grønsaker, og varm opp til kokepunktet.

Server lammefrikasséen med finhakka persille og kokte poteter.



**KNARVIK 40 SENTER**


Møteplassen for handel og kultur

**Knarvik  
Blomsterstove**



Kvassnesvegen 11 – 5914 Isdalstø  
Tlf: 56 35 62 20 – [www.knarvikblomsterstove.no](http://www.knarvikblomsterstove.no)

# Diakonalt hjørne



Tekst: Gudveig Kartveit Sundsbø

Diakoni- kva er vel det- her på Radøy?

Noko av det viktigaste me som menneske kan ha, er håpet. Det er ei enorm kraft i kvart einaste vesle håp me ber på. Og kvar gong me ser at den krafta får gjennomslag - gjennom møte med menneske, gjennom engasjement og vilje til å endra urett, ja då ser me «håpets flamme».

Sindre Skeie seier det så fint i denne salmen:

Sjå, mørkret sigrar aldri over lyset  
Lat håpets flamme skine sterk og klar  
For enno kjempar nokon for det gode,  
og enno deler nokon det dei har.

Dette er noko av kjernen i diakonien: Å kjempa for urett, å sjå at det er råd og utveg.

Den norske kyrkja reviderte nyleg sin Plan for diakoni. Visjonen for den diakonale kyrkja er:

«Guds kjærleik til alle menneske og alt det skapte, verkeleggjort gjennom liv og teneste».

Her i Radøy kyrkjelyd er det utarbeidd ein lokal plan for diakoni. Den inneheld mange ulike tiltak for ei diakonal kyrkje. Aktivitetane me har, spreier seg i alder frå babysong til blomsterutdeling for dei i kyrkjelyden som er over 80 år. Definisjonen på diakoni i kyrkja er:

«Diakoni er kyrkja si omsorgsteneste. Den er evangeliet i handling og blir uttrykt gjennom nestekjærleik, inkluderande fellesskap, vern om skaparverket og kampen for rettferd.»

Aktivitetane våre femnar om desse verdiane, og det er dette me vil jobba vidare med.

Når me står saman om å løfta, sjå kvarandre og vera til stades i verda, då står me òg saman om å formidla håp om ei betre framtid. Gjennom fellesskap både med kvarandre og med skaparverket vert me utfordra, styrkte og utrusta til å møta livet.

I dei komande utgåvene av Radar vil me gå meir i djupna på dei fire verdiane: Nestekjærleik, inkluderande fellesskap, vern om skaparverket og kampen for rettferd. Me vil fortelja om aktivitetar me har i kyrkja som speglar desse verdiane.

**Diakonalt hjørne vert ei fast spalte i Radar.**

## VINDAUGA

**I denne spalta opnar me vindauga  
og vender blikket utover i verda**

Tekst og foto: Gunnar Kartveit

Biletet på framsida av Radar viser ei julekrybbe frå Malawi. Kyrkjesenteret Mua Mission ligg sentralt i dette afrikanske landet. Der er ei stor kyrkje, sjukehus og eit kultursenter. 130 kunstnarar er knytte til kultursenteret for å ta vare på malawisk historie, kultur og tradisjon. David Livingstone har sett mange spor i dette landet. Både Kirkens Nødhjelp, Haukeland sjukehus og fleire andre har samarbeid med landet.

Kvart år er det kunstnarar som lagar julekrybber. Dei fortel at ved å laga julekrybber, kombinerer dei kunst og tru. Dei nyttar syrin-tre som materiale, og brukar kvarandre som modellar. På den måten får evangeliet eit lokalt uttrykk.

Over heile verda feirar menneske Jesu fødsel. Over alt gjer folk juleevangeliet til sitt, samstundes som det er det same me feirar.



30 år gamle James Lodrik har sjølv designa figuren, og skjer ut kvar einaste for hand, gjerne med føtene som skrustikke. På ein dag lagar han tre julekrybber.



Radøy damekor med dirigent Eirin Beate Åserød-Løvliid og pianist John William Kay sitjande fremst.

## Radøy damekor 20 år – gratulerer!

Hausten 2000 møtte ein del damer og nokre få menn opp i Manger kyrkje for å vera med i det nye koret. Odd Leif Mjøs var dirigent.

Ved avdukinga av Sars-monumentet ved prestegarden framførte koret Petter Dass sin tekst «Almæktig Gud! Hvor kostelig, har du staffert Jorderig.» Dette var første oppdraget til Radøykoret.

Etter ei tid var det berre damene som møtte på øving, og det vart bestemt at koret skulle fortsetja som eit damekor. Radøy damekor var ein realitet.

Oppdrag og repertoar har vore mange og av ulike slag: konsertar, bryllaup, gudstenester og korkafé. Julenattiné i Manger kyrkje vart ein tradisjon med flotte gjestar og god julestemning.

Koret har hatt samarbeid med Hjelmås mannskor, Feiekostane, Cantus Sororum og mannskoret Laudamus. Tur til Litauen med konsertar der og til Nordisk-Baltisk

korfestival i Riga, er gode minne. Koret har også hatt besøk av kor frå Litauen. Til 10-års jubileet gav koret ut CD-en «Dråpar».

Songtitlane har for lenge sidan passert hundre og her ligg noko for einkvar smak: Venskap, Ved kjelda, Danse mot vår, Eit lys imot mørketida, Ved havet, Like a Singing Bird og Mitt hjerte alltid vankar.

Dirigentar for koret har vore Odd Leif Mjøs (2000), Sigrid Jordal (2001), William Kay (2002-2011), Jüratė Norkuviene (2011-2018) og Eirin Beate Åserud-Løvliid (frå 2018).

Me er heldige som har fått vera med på alt dette. Flink dirigentar, super pianist, trivelege songarar og mange og varierte songar. Dersom du tykkjer dette høyrst greitt ut, har me plass til fleire damer i koret!

Jubileumskonsert vert det ein gong, sjølv om koronaen har sett ein stoppar for den planlagde turen og konsertplanen.

## Radøy KFUK-KFUM speidarar

Av Willem Vogelaar

Kyrkja på Radøy har nyleg starta opp speidararbeid som ein del av trusopplæringsarbeidet, og er innmeld i KFUK-KFUM Speiderne.

Det var stor interesse då vi annonserte oppstart av speidararbeid, og på kort tid fekk vi fleire grupper, med både Familiespeiding, Stigfinnarar og Vandrarar. Ca 70 born er engasjerte.

Familiespeiding er for dei som går i barnehage og 1. og 2. klasse på barneskulen. Dei har samling ein gong i månaden laurdag føremiddag.

Stigfinnarar er for born som går i 3. og 4. klasse. På Bø/Austebygd har vi ei gruppe som samlast kvar onsdag ulike stader nord på Radøy. Vi har vore ein del på Byngja, men

også på Risnes, og du kjem sikkert til å treffa dei mange andre plassar når dei held på med speidaraktivitetar.

Stigfinnarar på Manger har 2 grupper som samlast annakvar veke. Dei har vore ein del ved Nesvatnet, men har også gått lysspor eit stykke på veg mot Skageneset.

Til slutt har vi og ei gruppe Vandrarar med dei som går i 5. klasse og oppover. Dei har basen sin på Toska.

Har du lyst å fylgja oss på Facebook? Sjå «Radøy KFUK-KFUM Speidarar» og «Med i Radøy speidar».



## Slekters gang

### Radøy

#### Døpte

07.06.2020	Levi-Noel Glomnes
14.06.2020	Odin Straume Danielsen
21.06.2020	Didrik Olsvik Marøy
28.06.2020	Wilhelm Marøy Fanebust
26.07.2020	Herman Magnus Kleveland
02.08.2020	Isak Kolstad
09.08.2020	Herman Hansen Taule
09.08.2020	Alva Reigstad Kramer
16.08.2020	Charlie Kallestad Hansen
23.08.2020	Martine Soltveit
23.08.2020	Lena Øvrebø
30.08.2020	Mathias Storheim Jordal
30.08.2020	Madelen Marie Nøttveit
27.09.2020	Oliver Mjøs-Wisnes
27.09.2020	Kevin Lekve Befring-Njøten
04.10.2020	Kristoffer Kvalheim Nybjerkan
04.10.2020	Oline Haktorine Kvamme Pletten
04.10.2020	Sebastian Lunde - Woods
18.10.2020	Sander Marøy Låstad
18.10.2020	Jonas Fredriksen

#### Gravferd

12.06.2020	Hildebjørg Straume
16.06.2020	Olga Kristine Vågenes
23.06.2020	Peder Lystrup
03.07.2020	Jolaug Hellesund
10.07.2020	Ole Andreas Gjerde
10.07.2020	Trygve Leif Helland
28.07.2020	Johannes Helland
11.08.2020	Rune Mellingen
11.08.2020	Edgar Johan Grindheim
21.08.2020	Inger Johanne Nordanger
18.09.2020	Eirik Myksvoll
25.09.2020	Svanhild Marie Eide
02.10.2020	Martha Thomsen
20.10.2020	Kaare Solen

# Smiths

Møte- og selskapslokale  
Manger- Ring 56 37 31 11  
Leverer snittar, koldtbord  
og varm mat



BLOMSTERFORRETNING  
Manger Senter • 5936 Manger • Tlf.: 56 37 34 77

## Manger kyrkjeforening

Denne foreninga har teke på seg store oppgåver: Dei finansierer ein ny, raud messehaket, som Anna Hella Kartveit har laga, og har også teke ansvar for å få eit nytt antependium til Manger kyrkje. I desse koronastider er det uråd å ha basar. Difor bed dei om ei pengegåve til konto nr 3632 63 30129.

På vegne av Manger kyrkjeforening seier leiar Astrid Hagen: På førehand takk!



# GUDSTENESTE- KALENDER

## 15. november

24. søndag i treeiningstida  
Manger kyrkje kl 11.00

## 22. november

Siste søndag i kyrkjeåret  
Hordabø kyrkje kl 11.00

## 29. november

1. søndag i adventstida  
Manger kyrkje kl 11.00

## 6. desember

2. søndag i adventstida  
Hordabø kyrkje kl 11.00

## 20. desember

4. søndag i adventstida  
Sæbø kyrkje kl 11.00

## 24. desember.

Julaftan.  
Sjå lokalaviser og nettside.

## 25. desember

Juledag  
Manger kyrkje kl 12.00

## 3. januar

Kristi openberringsdag  
Sæbø kyrkje kl 11.00

## 10. januar

2. søndag i openberringstida  
Manger kyrkje kl 11.00

## 17. januar

3. søndag i openberringstida  
Hordabø kyrkje kl 11.00

## 24. januar

4. søndag i openberringstida  
Manger kyrkje kl 11.00  
Misjonsgudsteneste

## 31. januar

Såmannssundagen  
Sæbø kyrkje kl 11.00  
Lys Vaken

## 7. februar

Kristi forklæringsdag  
Manger kyrkje kl 11.00

## 14. februar

Fastelavnssundag  
Hordabø kyrkje kl 11.00  
Tårnagenthelg

## 21. februar

1. søndag i fastetida  
Sæbø kyrkje kl 11.00

## 28. februar

2. søndag i fastetida  
Manger kyrkje kl 11.00

## 7. mars

3. søndag i fastetida  
Hordabø kyrkje kl 11.00

## 14. mars

4. søndag i fastetida  
Manger kyrkje kl 11.00  
Kjell Sekkingstad og Helge  
Taranrød  
Prostevisitas

## 21. mars

Maria bodskapsdag  
Sæbø kyrkje kl 11.00

## 28. mars

Palmesundag  
Manger kyrkje kl 11.00



Manger kyrkje



Hordabø Kyrkje



Sæbø kyrkje



Emigrantkyrkja

## GUDSTENESTER JULAFTAN

Følg med i lokalavisene og på nettsida <https://kyrkja.no/radoy> for å sjå kvar og når det er gudstenester på julaftan. Når Radar går i trykken, veit me for lite om korona-situasjonen ved juletider. Difor står det ikkje noko om julaftan i gudsteneste-lista.

Men det me veit, er at DET VERT GUDSTENESTER PÅ JULAFTAN, og at me legg til rettes for at alle som ønskjer det, kan vera med.

Op 1. juledag er ein god dag å gå til kyrkje! Då er det gudsteneste i Manger kyrkje kl.12, og i år er det ekstra god grunn til å gå til gudsteneste då.

## Gaver som forandrer verden

Gaver for alle anledninger! Velg noe fra vår nettbutikk som passer mottakeren av gavekortet og ditt gavebudsjett. Inntektene skaper forandring for mennesker i nød!



GEIT  
kr 250



RENT VANN  
kr 250



EN GOD START  
kr 300



DO  
kr 120



HYGIENEPAKKE  
kr 250



KYLINGER  
kr 100

Du finner disse og flere gaver i vår nettbutikk  
[www.gaversomforandrerverden.no](http://www.gaversomforandrerverden.no)

 **KIRKENS NØDHJELP**  
actalliance